

## 降三世忿怒明王念誦儀軌

特進試鴻臚鄉大興善寺三藏沙門大廣智不空奉 詔譯

爾時諸佛菩薩及諸賢聖出現世間，利樂饒益一切有情，時為非正法之時，國土損壞，眾生多為諸魔惱亂。爾時普賢菩薩以甚深大弘誓願故，示現降三世忿怒明王形而白佛言：我有降伏諸魔真言，於世間甚為希有，唯願如來許我宣說，我當守護諸佛教法，饒益一切有情。爾時佛即告言：善哉！善哉！忿怒王，許汝說此降伏真言。爾時忿怒王即示現四面八臂極惡大忿怒形而說真言曰：

唵(引)娑擔(二合)婆娑擔(二合)婆薩嚩提(引)嚩布怛囉(二合)摩(引)囉藥囉(二合)訶(引)赧(引)儺藥囉(二合)訶佉哩(二合)係(引)哆波(引)猱(引)阿(引)那(引)野吽婆誡鍍遮觀囉目(二合)佉(引)瑟吒(二合)部闍怛賴(二合引)盧(引)計也(二合)尾闍耶旃拏摩訶(引)嚕(引)灑拏嚩日囉(二合)耶吽鉢吒(吒半音)娑嚩(二合引)訶(引)

Oṃ, stambha stambha sarva deva-putra-māra grahāṇāṃ ni-graha, grhīta-pāṇau ā-nāyya huṃ, bhagavan catur-mukha aṣṭa-bhuja trailokya-vijaya caṇḍa mahā-roṣaṇa vajraya huṃ paṭ svāhā.

爾時降三世忿怒明王說此真言時，三千大千世界六種震動，所有天魔鬼魅，於眾生損害者皆悉恐怖，不得安樂，各來集白忿怒尊言：唯願愍念我等，令無恐懼。爾時忿怒尊右足踏大自在天魔，左足踏魔婦人，於國土有情，皆令得安穩。若誦此真言一遍，無量無邊魔界即得苦惱熱病，於行者生障礙者更無得便，成為行者僕從，不敢妨難；行者亦須護三業，內外清淨。此真言可作辟除、結界、印身五處而作護身，復不須作諸契印，威驗皆在此真言，亦無有別呪；作契儀則可見金剛頂瑜伽教中，更不翻譯。若欲修此真言者面向東，於忿怒王像前坐，想自身即為本尊威怒王，念淨三業真言《吽》字三遍，亦可安法界，即二手堅固縛捧額上，左右三轉即成辟除結界，次至心合掌禮拜忿怒尊及諸聖眾。

若欲降伏一切惡人者，作調伏壇，用三角爐，面向南，取惡木一遍一燒，滿三百二十四遍，惡人自降伏而歸依。

又欲令惡人病疾者，作調伏壇，誦根本真言一千八十遍，燒赤黑二種芥子一千八十粒，一遍一燒，真言句中誦惡人姓名，即長患病，而無死滅。

若欲除病者，作息災壇，面向東，燒白米一千粒，一呪一燒，真言句中加病者名，病即除差，歸伏佛法，無有異心。

若欲頓滅惡人，爐中安惡人姓名及形，以惡心誦呪一百八遍，以砂打惡人，燒之則死。若欲使其急甦，對忿怒王像前以慈悲心誦真言一百八遍，惡人即時甦醒，復無損壞。

若欲勝軍陣者，取香花木一百八枚，誦真言燒之，雖魔敵軍，亦可得勝。唯須五穀、五香，若無者，適時花木亦可。

若欲入山林不遭惡禽獸毒虫者，二手掌內把隨節之石，呪二七遍，打投行道前，雖禽獸毒虫，皆悉降伏，不起害心。

若欲被國王、大臣敬愛者，作敬愛壇，爐燒菊根一百八枚，一呪一燒，則敬愛自來。

若欲濟助重病人者，對像前呪香水一百八遍，急撮入病者懷內則甦醒。

若欲降伏癲狂病者，取龍水呪一百八遍，洗二眼口舌等，病即除差。

若欲縛男女而問事者，取柘榴枝一丈二尺，加持一萬遍，然後以枝一呪一打此人二七處，即萬事隨問皆語，意想解彼縛即解。

若行者修此法時，七七日間，須斷五穀味鹽，心無餘境，誦真言滿十萬遍，爾時本尊現形，作大惡怖魔形像試行者心，是時慎勿怖畏，法即成就。

爾時忿怒王說此真言時，一切天魔惡鬼等皆恐懼而降伏，歸依佛道，為行者而作加護。次解結界，禮佛出道場，任意讀般若等經。

### 降三世忿怒明王念誦儀軌

---

【經文資訊】大正新脩大藏經第 21 冊 No. 1210 降三世忿怒明王念誦儀軌

【版本記錄】CBETA 電子佛典 Rev. 1.6 (Big5)，完成日期：2006/04/12

【編輯說明】本資料庫由中華電子佛典協會（CBETA）依大正新脩大藏經所編輯

【原始資料】蕭鎮國大德提供，北美某大德提供

【其他事項】本資料庫可自由免費流通，詳細內容請參閱【中華電子佛典協會版權宣告】

---

公元二零一四年六月二十三日馬來西亞萬撓佛教會蔡文端居士修訂。

咒語於公元二零一六年十一月三十日重修正。

( Mantra was transliterated on 22/1/2010 from volume 21<sup>st</sup> serial No. 1210 of the Taisho Tripitaka by Mr. Chua Boon Tuan (蔡文端) of Rawang Buddhist Association (萬撓佛教會). 8 Jalan Maxwell, 4800 Rawang, Selangor, West Malaysia. )

Residence Tel : 603-60918722 [ Monday to Sunday after 10.30 a.m. ]

Handphone : 6016-6795961. E-mail : chuaboontuan@hotmail.com

Revised on 11/30/2016.

萬撓佛教會網址：<http://www.dharanipitaka.net/2011/2008/>